

NAPLAN

Informacije za roditelje i staratelje

2024. godina

Zašto učenici rade NAPLAN?

Nacionalni program ocjenjivanja iz pismenosti i računanja (NAPLAN) je provjera pismenosti i matematike koju učenici 3., 5., 7. i 9. razreda polažu svake godine. To je jedina nacionalna procjena koju imaju priliku polagati svi učenici Australije.

Kako učenici napreduju iz godine u godinu, važno je provjeriti koliko su ovladali osnovnim vještinama čitanja, pisanja i računanja.

NAPLAN procjenjuje vještine pismenosti i matematike koje učenici uče po školskom programu i omogućava roditeljima/starateljima da vide kako njihovo dijete napreduje u odnosu na nacionalne standarde znanja.

NAPLAN je samo jedan aspekt školskog procesa ocjenjivanja i izvještavanja. On ne zamjenjuje redovno ocjenjivanje uspjeha učenika koje vrše nastavnici, kojima, međutim, može pružiti dodatne informacije o napretku učenika u obrazovanju.

NAPLAN također pruža školama, obrazovnim vlastima i vladama informacije o tome kako funkcionišu obrazovni programi i da li mladi Australci postižu važne obrazovne rezultate u pismenosti i matematici.

Vaše dijete će raditi NAPLAN testove online

Online NAPLAN testovi su dizajnirani tako da daju precizne rezultate i da su zanimljivi za učenike. Testovi su podešeni (ili prilagođeni) tako da svaki test sadrži pitanja koja mogu biti manje ili više teška u zavisnosti od odgovora učenika. Ovo pomaže učenicima da nastave s učešćem u procjeni.

Prilagođeno testiranje omogućava ocjenjivanje šireg spektra sposobnosti učenika i preciznije mjerenje postignutog uspjeha učenika. Ukupan rezultat NAPLAN-a učenika zasniva se na broju i složenosti pitanja na koja tačno odgovore. Dijete ne treba biti zabrinuto ako mu pitanja budu teška; možda ulazi u složeniji put testiranja.

Svi učenici trećeg razreda će i dalje raditi pismeni test na papiru.

Šta ocjenjuje NAPLAN?

NAPLAN procjenjuje vještine pismenosti i matematike koje učenici uče u svom redovnom školskom programu.

Učenici polažu testove iz pisanja, čitanja, jezičnih konvencija (pravopis - spelling, gramatika i interpunkcija) i računanja. Pitanjima se ocjenjuje sadržaj povezan s australskim nastavnim planom i programom: engleski i matematika.

Sva vladina i nevladina obrazovna tijela doprinose razvoju materijala NAPLAN testova.

Da saznate više o NAPLAN-u, posjetite nap.edu.au.

Učestvovanje u NAPLAN-u

NAPLAN je za sve učenike 3., 5., 7. i 9. razreda. ACARA podržava inkluzivno testiranje, tako da svi učenici imaju priliku da učestvuju u nacionalnom programu ocjenjivanja.

Moguća su prilagođavanja za učenike s invaliditetom koji imaju različite funkcionalne sposobnosti i potrebe.

Škole trebaju raditi sa roditeljima/starateljima i učenicima kako bi identificirale, na bazi svakog pojedinačnog slučaja, razumna prilagođavanja koja su potrebna kako bi pojedini učenici s invaliditetom pristupili NAPLAN-u. Prilagođavanja trebaju odražavati podršku koja se obično pruža za ocjenjivanje u učionici.

Da biste pomogli u donošenju ovih odluka, možete konsultovati [javnu NAPLAN demo stranicu](#), [Vodič za škole kako bi olakšali pristup NAPLAN-u učenicima s invaliditetom](#), ili [niz naših video zapisa](#) u kojima roditelji / staratelji, nastavnici i učenici iznose svoja iskustva o korištenju NAPLAN prilagođavanja.

U izuzetnim okolnostima, učeniku s invaliditetom koji ozbiljno ograničava njegovu sposobnost da učestvuje u ocjenjivanju, ili učeniku koji je nedavno stigao u Australiju i ne govori engleski, može se odobriti formalno izuzeće.

Direktor škole i lokalni organ za provođenje testiranja mogu vam dati više informacija o prilagođavanjima za učenike s invaliditetom ili procesu koji je potreban za dobivanje formalnog izuzeća.

Šta mogu uraditi da pomognem svom djetetu?

Od učenika se ne očekuje da uče za NAPLAN. Možete pružiti podršku svom djetetu tako što ćete ga uvjeriti da je NAPLAN dio školskog programa i podsjetiti ga da jednostavno da sve od sebe. Neka objašnjenja o NAPLAN-u su korisna jer pomažu da učenici shvate i da se osjećaju ugodno s formatom testova; međutim nije neophodno da to čine roditelji / staratelji. Nastavnici će osigurati da učenici budu upoznati sa vrstama pitanja u testovima i pružit će im odgovarajuću podršku i smjernice.

ACARA ne preporučuje pretjeranu pripremu za NAPLAN ili korištenje usluga podučavanja.

Pogledajte vrste pitanja i alate koji su dostupni u online NAPLAN procjenama na [javnoj NAP demo stranici](#).

Kako se izvještava uspjeh mog djeteta?

Od 2023. godine rezultati NAPLAN-a se izvještavaju prema standardima stručnosti. Postoji standard za svaku oblast procjene po razredima / godinama. Standardi znanja pružaju jasne informacije o uspjehu učenika. Oni su postavljeni na izazovan, ali razuman nivo koji se očekuje od djeteta u vrijeme NAPLAN testiranja, a temelje se, uglavnom, na materijalu podučavanom u prethodnim godinama školovanja. Uspjeh učenika prikazan je u odnosu na 4 nivoa znanja: Izvanredan, Snažan, U razvoju i Potrebna je dodatna pomoć.

Škola će dostaviti pojedinačni NAPLAN izvještaj učenika kasnije te godine. Ako ne dobijete izvještaj, obratite se školi svog djeteta.

Šta ako moje dijete izostane iz škole u danima NAPLAN testa?

Ako je to moguće, škole mogu organizirati da pojedini učenici koji su odsutni u vrijeme testiranja urade propuštene testove u neko drugo vrijeme tokom školskog rasporeda testiranja.

Kako se koriste NAPLAN rezultati?

- Učenici i roditelji/staratelji mogu koristiti pojedinačne rezultate da razgovaraju o napretku sa nastavnicima.
- Nastavnici koriste rezultate kako bi pomogli u identifikaciji učenika kojima su potrebni veći izazovi ili dodatna podrška.
- Škole koriste rezultate da utvrde u čemu su dobri kao i područja gdje su potrebna poboljšanja nastavnih programa i da odrede ciljeve u pismenosti i matematici.
- Školski sistemi koriste rezultate za preispitivanje programa i podršku koja se nudi školama.
- Ostali mogu vidjeti informacije o uspjehu škola kasnije na [myschool.edu.au](#).

Gdje mogu dobiti više informacija?

Za više informacija o NAPLAN-u:

- kontaktirajte školu svog djeteta
- kontaktirajte lokalni organ za provođenje testiranja na [nap.edu.au/TAA](#)
- posjetite [nap.edu.au](#)

Da saznate kako ACARA postupa s ličnim podacima za NAPLAN, posjetite [nap.edu.au/naplan/privacy](#).

Raspored NAPLAN-a

Period NAPLAN testiranja traje devet dana. Ovo je da bi se izišlo u susret školama koje možda nemaju kapacitet da završe testove u kraćem vremenskom roku.

Period NAPLAN testiranja počinje u srijedu 13. marta i završava se u ponedjeljak 25. marta 2024. godine. Škole će zakazati testiranje što je prije moguće u okviru perioda testiranja, s prioritetom u prvoj sedmici.

Test	Zahtjevi za planiranje	Trajanje	Opis testa
Pisanje	<ul style="list-style-type: none">• Učenici trećeg razreda rade test pisanja na papiru (samo prvog dana)• Pisanje u 5., 7. i 9. razredu mora početi prvog dana (škole moraju dati prioritet pi-sanju tako da se to završi 1. i 2. dan, pri čemu se 2. dan koristi samo ako postoje tehnička/logistička ograničenja)	3. razred: 40 min. 5. razred: 42 min. 7. razred: 42 min. 9. razred: 42 min.	Učenicima se daje ideja ili tema koja se zove „stimulacija za pisanje“ ili „podsticaj“ i traži se da napišu odgovor u određenom žanru (narativno ili ubjedljivo pisanje)
Čitanje	<ul style="list-style-type: none">• Treba se uraditi nakon testa iz pisanja	3. razred: 45 min. 5. razred: 50 min. 7. razred: 65 min. 9. razred: 65 min.	Učenici čitaju niz informativnih, maštovitih i ubjedljivih tekstova, a zatim odgovaraju na pitanja u vezi s pročitanim
Jezične konvencije	<ul style="list-style-type: none">• Radi se nakon testa čitanja	3 razred: 45 min. 5 razred: 45 min. 7 razred: 45 min. 9 razred: 45 min.	Učenici se ocjenjuju iz pravopisa, gramatike i interpunkcije
Matematika	<ul style="list-style-type: none">• Radi se nakon testa jezičnih konvencija	3 razred: 45 min. 5 razred: 50 min. 7 razred: 65 min. 9 razred: 65 min.	Učenici se ocjenjuju iz brojeva i algebre, mjerenja i geometrije, te statistike i vjerovatnoće